

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

রাষ্ট্রদূত মরিয়ার্টির পররাষ্ট্রমন্ত্রী ও বাণিজ্যমন্ত্রীর সাথে বৈঠক

ঢাকা, ২৪শে মার্চ -- যুক্তরাষ্ট্রের রাষ্ট্রদূত মরিয়ার্টি গতকাল ২২শে মার্চ তারিখে পররাষ্ট্রমন্ত্রী দিপু মনি, বাণিজ্যমন্ত্রী লে. কর্নেল (অবঃ) ফার্মক খান এবং প্রধানমন্ত্রী শেখ হাসিনার উপদেষ্টা তারিক সিদ্দিকের সাথে সাক্ষাৎ করেন। গত ২৫-২৬ ফেব্রুয়ারি বিডিআর বিদ্রোহে বাংলাদেশের তদন্তে যুক্তরাষ্ট্রের সহায়তা সর্বশেষ বিষয়ে তিনি তাদেরকে অবহিত করেন। রাষ্ট্রদূত জানান যে, এফবিআই-এর দলটি জটিল মামলাগুলো তদন্তের বিষয়ে তাদের যে দক্ষতা ও অভিজ্ঞতা রয়েছে তা পুলিশের অপরাধ তদন্ত বিভাগের (সিআইডি) কর্মকর্তাদের সাথে বিনিময় করে। গুরুত্বপূর্ণ এই তদন্ত পরিচালনার জন্য প্রাথমিক দায়িত্ব পুলিশের অপরাধ তদন্ত বিভাগের। তিনি বড় আকারের এই তদন্তের ধরন সম্পর্কে এবং তদন্তটি শেষ করতে বেশ সময় লেগে যেতে পারে বলে তাদেরকে অবহিত করেন।

‘এফবিআই’-এর সহায়তা নিয়ে পুলিশ একটি সার্বিক ও স্বচ্ছ উপায়ে এই জটিল তদন্ত পরিচালনায় প্রয়োজনীয় কর্মকৌশল গ্রহণ করেছে। মন্ত্রীগণ এই মর্মে রাষ্ট্রদূতকে নিশ্চয়তা প্রদান করেন যে, বাংলাদেশ এই কঠিন কাজটিকে অত্যন্ত গুরুত্বের সাথে দেখছে এবং বাকী তদন্ত শেষ করতে প্রয়োজনীয় সকল কিছুই সরকার করবে।

রাষ্ট্রদূত মরিয়ার্টি মন্ত্রীদের নিশ্চয়তা দেন যে ‘এফবিআই’ তাদের স্থানীয় প্রতিপক্ষের সাথে কাজ করে যাবে।

যৌথ সহযোগিতায় তদন্তের প্রাথমিক পর্যায় যেহেতু সম্পূর্ণ হয়েছে, ‘এফবিআই’ কর্মকর্তারা তাই বাংলাদেশ ছেড়ে যাচ্ছেন। তবে তারা তদন্তের অগ্রগতি পর্যালোচনা করতে এবং যথাযথ সময়ে যথোপযুক্ত পরামর্শ প্রদান করতে আবার বাংলাদেশে ফিরে আসবেন। রাষ্ট্রদূত দীর্ঘমেয়াদে বাংলাদেশের আইন প্রয়োগকারী সংস্থাগুলোর সাথে তার দেশের অংশীদারিত্ব জোরদারের উপরও গুরুত্বারোপ করেন।

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০৩৭১৫০-৮, ফ্যাক্স: ৯৮৮৫৬৮৮; ই- মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।